



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmvla Casvvm Conscientiae De Sacramentis

Gretser, Jacob

Ingolstadii, 1611

Antipharmacum.

urn:nbn:de:hbz:466:1-40295

satam aut levata ducere cur licet Christiano Christianam ducere? An est maior cognatio ista ex ceremoniis seu signo Sacramētū contracta, quā quae ex re ipsa Sacramēti? An non Christianus est frater Christianus sororis? An nō baptisatus, baptisata spiritualis frater? Quid insanimus? Quid si quis uxore suam eruditat in Euangelio & fide Christi; factus hoc ipso verè pater eius in Christo, an non liceat uxorem eius manere? An Paulus non licuisset puellam ex Corinthiis ducere, quos omnes in Christo genuisse iactat? &c.

Antipharmacum.

VIDES, quomodo bestia, nil nisi nugas effutiens, tonet ac paratragœdiet? Cognatio spiritualis iam restricta est à Concilio Tridentino sess. 24. cap. 2. ita ut eam non contrahant, nisi patrini cum baptizato & parentibus baptisati. Item, baptisans cum baptisato & parentibus baptisati. Similiter in Confirmatione, nemo contrahit cognitionem spiritualem, nisi patrus vel patrini cum confirmato & parentibus confirmati: Item confirmans cum eodem confirmato eiusdemq; parentibus. Itaque non est, quod Lutherus amplius clamet de confraternitatibus & consororitatibus.

Et quamvis iure antiquo ad filios quoque cognatio spiritualis extenderetur; ita ut qui ex baptismō spirituales fratres & sorores essent; matrimonium inter se validè contrahere non possent: nihil tamen suis clamoribus contra hoc Ecclesiæ decretum efficit Lutherus. quia, Ecclesia prohibere potuit hanc confraternitatem & consororitatem, vt loquitur Lutherus: & illam generalē, quæ ex ipso Christianismo oritur, prohibere non potuit: quos enim matrimonio Christiani sibi copulasent; si eos, qui ex Christiana fide inter se sunt fratres & sorores, sibi iungere non potuissent? Nam si Lutherus magi-

magistratui politico eam concedit potestatem, vt matrimonij contractum ampliare, vel restringere, certisq; legibus temperare queat; ita vt matrimonium, iudicio Lutheri, non constet, si contra leges illas ineatur: mirum sanè foret, si Ecclesia, ante Lutherum, quæ toto orbe diffundebatur, tantum potestatis non habuisset; vt matrimonio certos limites præfigeret.

Quando Dux Mauritius tertium gradum concedit; Elector autem prohibet, vt Lutherus testatur: tunc tam illius concessio, quām huius prohibitio valida est: & subditus prioris validē contrahit in tertio gradu; subditus posterioris validē non contrahit, Luthero iudice: At verò, quando iustas ob caussas Ecclesia impedimentum aliquod sancit; tunc Lutherus buccis tumentibus vociferabitur: *Vide, quām sit libertas Christiana per cæcitatem humanæ superstitionis oppressa? Homo non habuit ius tales leges condendi; & Christianis per Christum libertas donata est super omnes leges hominum. Coniunctio viri & mulieris est iuris diuini, quæ tenet, quosunque modo contra leges hominum & cetera contigerit: debentque leges hominum eice-
dere sine ullo scrupulo.* Ergò & lex illa Electoralis de non contrahendo in tertio gradu libertati matrimonij & Christianismi cedere debet.

Cognatio ex Catechismo, qui præcedit baptismum, de qua etiam Lutherus, nunquam inter impedimenta matrimonij dirimentia numerata est; sed inter impedientia tantum: & quidem ita, vt nunquā pro grandi obice habita fuerit. De quibus omnibus videri possunt, quæ disputantur in supplemento Tertiæ partis D. Thomæ q. 56. & ab aliis alibi.

Quæritur XXI. de cognatione Legalis? Respondeat Lutherus; *equè humanum figmentum est, ne teruntij qui-
dem*

*In Capitum. Ba-
bylon.*

dem estimandum. Huic ergo nouo Euangelistae non tantum Canonica, sed & ciuilia iuraceant oportet.

Quæritur XXII. quid sentiendum de infidelitate? Respondet Lutherus; Noueris matrimonium & quæ externa rem esse, ac alias mundi negotiaciones. Ut ergo cum Gentili, Iudeo, Turca, heretico edere, bibere, in soporem me collocare, itineri accingi, mercari, loqui & agere possum; sic & cum istud matrimonium contrahere possum; nec sultarum legum id vetantium angare curam. Reperiuntur Christiani, qui in corde peiores sunt per infidelitatem, quam ulli Iudei, Turcae, aut heretici. Porro gentilis & quæ à Deo in marem & feminam conditus est bene & absolute, ut D. Petrus, D. Paulus, & sancta Lucia, ut interim de Pseudochristianis, & titulo tenus Christi professoribus nihil dicam.

In Captivitate Babylonica ita insanit Lutherus: Nec huic impedimento consenserim, quod vocant religionis dispartitatem, ut nec simpliciter, nec sub conditione conuertendi ad fidem, liceat ducere non baptisatam. Quis hoc prohibuit? Deus an homo? Quis hominibus potestatem facit prohibendi sic nubere?

Dicamus & nos. Quis tertium gradum prohibuit, Deus, an princeps Elector? sub Duce Mauricio conceditur tertius gradus plenus, id est, in linea utrinque aequali, sed semiplenus in aequali linea prohibetur, ut inquit Lutherus in Epist. ad Hessum Vratislauensem Prædicantem, quæ exstat Tom. 1. Colloq. Latinor. sub finem. Quæramus & nos cum Luthero; Quis hominibus potestatem facit prohibendi sic nubere? Et tamen de lege Ducis Mauricij subdit Lutherus: Istis ordinationibus Magistratum stamus; quia ministrorum Verbi non est leges, mores ciuiles condere: pertinet hoc ad magistratum ciuilem, qui potest disponere, & iudicare de hereditatibus, successionibus, qua ex coniugio

iugio veniunt. Ideo & coniugium debet legibus ordinari. Hæc Lutherus, qui legibus à Duce Mauritio circa Matrimonium latis stare vult: & legibus ab vniuersali Ecclesia eadem de re latis stare detrectat. Quæ hæc insania?

Quæritur X X I I . de crimine. Respondet Lutherus: In hoc dissentiant, ut non satis sciant, quam multiplex fingere debeant: attamen ferè hæc tria consingunt. Si quis puellam vi- tiat, eius sororem, aut cognatam in coniugem haberem non po- test. Deinde, cum qua adulteratus est quispiam, eam, defun- cto vita marito, ducere non potest. Postremò, si vir aut uxori- cius, quem deperit, caussa, maritum suum occiderit, illi postea nubere non potest. Hic supra quam dici potest, stultos pluit. Tu vero iis nullam adhibeas fidem, neq; turberis iisdem. Diabolus est, à quo agitantur. Crimina & peccata sanè punienda sunt: alia tamen mulcta, quam coniugij vetatione. Nullum ergò cri- men, aut flagitium Matrimonium impedit, &c.

In Captiuitate Babylonica clamat Lutherus: Idem ri- gor stultitia, imò impietatis est. Impedimentum criminis, scili- cet, ubi quis duxerit prius pollutam adulterio, aut machina- tus fuerit in mortem alterius coniugis, quò cum superstite contrahere possit. Obsecro, unde iste rigor hominum in homi- nes, qualem nec Deus unquam exegit? An ignorare se si- mulant, Betschaba uxorem Vriæ utroque crimen impleto, id est, præpollutam adulterio, & occiso viro, tamen ductam à Davidsanctissimo viro? Si lex diuina hæc fecit, quid faciunt homines Tyranni in suos conseruos?

Dicamus nos; si tertium gradum non prohibet DEVS: si aliquorum matrimonia etiam in secundo gradu non vetat; quis iste rigor stultitiæ, seu impietatis est tertium gradum & secundum prohibere, vt prohibet Elector; eum DEVS tale interdictum non tulerit; etiam in secun- do gradu, quoad quasdam personas. Si lex diuina hæc

Ff

non

non fecit, quid faciunt homines Tyranni in suis conservos? Merito autem hoc impedimentum à Christiana Ecclesia introductum est, ut sit retinaculum indomitæ libidinis, quæ aliquando ad truculenta etiam facinora homines impellit.

Quæritur XIV. num tolerandum sit, ut alter coniunx ob crimen commissum, plectatur hac poena, ne debitum à suo coniuge poscere queat? Respondet Lutherus, id minimè tolerari debere. Viden' inquit, quid per suos in coniugij statu efficiat Satanus? Maritum & uxorem in eundem collocat thalamum, inquiens; Ne sis vir, & ne sis mulier; ignem scilicet & stramina componit, & iuxta vetat, ut ardeant. Si decima huius precepti portio imponeretur Pontifici; ut in rabiem adigeretur, ut insaniret, deg. violentia & iniuria quereretur? Apagesis ingentibus cum morionibus istiusmodi. Liberum tibi coniugium relinque, perinde ac Deus instituit, peccataque & crimina aliter punias, quam cum Matrimonio, adeoque aliis flagitiis. Nam, si ex Lutherani Euangelij plenitudine Monachus Monacham ducere potest, caussa nulla amplius apparet, cur nullus cuicunque, quamcunque ducere volenti, obex opponatur; aut usus contracti matrimonij ob nullum flagitium prohibeatur, aut restringatur, quia si id, quod maius est, alicui ludus & iocus est; multò magis id quod in eodem vel assimili genere minus est, eidem ludus ac iocus videbitur, atq; adeo nulla lege vetandum.

Quæritur XXV. de publica honestate: num, si sponsa mea è vitâ migret, & indormiscat, priusquam eam domum recepero, liceat mihi sororem eius aut cognatam usq; ad quartum gradum ducere. Papa respondet negatiuè, inquit Lutherus; eo quod ei videatur & appareat honestum esse hoc, ut non faciam

faciam, nisi pecunias expendero; tum enim omnis mox inhonestas evanuit.

At Lutherus suos casus secutus, respondet affirmatiuè: quia supra accepisti me, defuncta uxore, eius sororem, & qualemcumque cognatam ducere posse, prater matrem eius & filiam. (quanto magis sororem & qualemcumque cognatam sponsa ducere licebit?) Hic tibi murus aheneus esto, & quidquid stulti isti nugati fuerint, sine. Ego enim sum, qui hoc sanxi, Martinus Islebicus, Elias tertius. *av-
n̄s eph.* Nullus contra hiscat aut sciscat.

Quæritur XXVI. quid sentiendum de impedimento Ordinis? Respondet Lutherus in Captiuitate Babylonica: *Hoc impedimentum merum est hominum commen-
sum, præsertim cum garriant, eo dirimi etiam contractum,
semper suas traditiones super Dei mandata exaltantes, &c.* Est ergo inter sacerdotem & uxorem verum & inseparabile matrimonium, mandatis diuinis probatum. Quid si impij homines illud prohibeant aut dirimant mera tyrannide sua? Esto, sit illicitum apud homines, licitum tamen est apud Deum, cuius mandatum si contra hominum pugnet mandata, est preferendum.

Antipharmacum.

HÆC Lutherus pro se & suis scripsit. quia, nisi talia scripisset, & imperitis hominibus persuasisset, omnes Lutherum, Carlstadium, Ionam, Amstorphium, Zuuングlium, & innumerabiles alios pro nebulonibus habuissent: quippe qui sacris Ordinib. iniciati, meretrices sibi sub specioso matrimonij nomine copularint.

Quæritur XXVII. quid de impedimento Voti sentiendum, si quis vel intra vel extra Monasteria castitatem voverit. Respondet Lutherus, sermone de Matrim.